

Broj: 03-04-1015-5/24
Sarajevo, 25.06.2024. godine

PARLAMENT FEDERACIJE BOSNE I HERCEGOVINE

Dom naroda

n/p gosp. Izmiru Hadžiću, tajniku

n/p gđi Fatimi Gavrankapetanović-Smailbegović, izaslaniku ✓

Predmet: Odgovor na izaslaničko pitanje

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:	26-06-2024		
Org. jec.	Br. Z. B.	Priloga	Vrijednost
05/2	-02-	284	124

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u svezi sa člankom 104. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br: 27/03, 21/09 i 24/20), u privitku Vam dostavljam akt Federalnog ministarstva financija-Federalnog ministarstva finansija, broj: 06-2-4-4408/24 od 13. lipnja 2024. godine, koji se odnosi na izaslaničko pitanje, koje je postavio izaslanik Fatima Gavrankapetanović-Smailbegović.

S poštovanjem,

ТАЈНИК ВЛАДЕ
dr.sci. Edita Kaladžić



Privitak: kao u tekstu

GD

BOSNA I HERCEGOVINA
FEDERACIJA BOSNE I HERCEGOVINE
VLADA
SARAJEVO

Broj: 06-2-4-4408/24
Sarajevo, 13.6.2024. godine

VLADA FEDERACIJE BOSNE I HERCEGOVINE

PREDMET: Odgovor - daje se

VEZA: Vaš akt broj: 03-04-1015-5/2024, od 27.5.2024. godine

Organizaciona jedinica	Klasifikacija	Redni broj	Broj prijave
03	04	1015	5/2024

Poštovani,

Vašim aktom broj i datum veze, obratili ste se Federalnom ministarstvu finansija sa zahtjevom za davanje odgovora na delegatsko pitanje, koje je na 8. sjednici Doma naroda Parlamenta Federacije BiH održanoj 16.5.2024. godine, postavila delegatkinja Fatima Gavrankapetanović-Smailbegović, koje glasi: „Da li Vlada Federacije BiH, premijer, ministarstar zdravstva i ministar finansija imaju konkretno rješenje za problem Fonda solidarnosti da konačno naši pacijenti mogu dobivati svoju terapiju?“


Federalno ministarstvo finansija – Federalno ministarstvo financija, u okviru svoje nadležnosti, a uvažavajući značaj namjene Fonda solidarnosti Federacije BiH, koja podrazumijeva ostvarivanje jednakih uslova zdravstvenog osiguranja i pružanje prioriternih najsloženijih oblika zdravstvene zaštite, ukazuje na sljedeće:

U skladu sa odredbama Zakona o zdravstvenom osiguranju („Službene novine Federacije BiH“, br. 30/97, 7/02, 70/08, 48/11, 36/18 i 61/22) predviđeno je da se Fond solidarnosti Federacije BiH finansira iz doprinosa za obavezno zdravstveno osiguranje i sredstvima iz Budžeta Federacije Bosne i Hercegovine, putem transfera Federalnog ministarstva zdravstva. Član 82. stav (5) Zakona o zdravstvenom osiguranju, propisuje obavezu Vlade Federacije BiH da za svaku kalendarsku godinu utvrđuje stopu izdvajanja od ukupnih prihoda ostvarenih po osnovu doprinosa za zdravstveno osiguranje za finansiranje Fonda solidarnosti Federacije BiH i isti iznos sredstava potrebno je obezbijediti iz Budžeta Federacije BiH. Međutim, zbog deficita Budžeta Federacije BiH u proteklom periodu, zakonska obaveza izdvajanja iz Budžeta Federacije BiH, na način kako je propisano članom 82. Zakona o zdravstvenom osiguranju, objektivno nije mogla biti ispoštovana. Takođe, zbog nedostatka izvornih prihoda, Budžet Federacije BiH u proteklom periodu planira se sa značajnim iznosima primitaka od domaćeg i vanjskog zaduživanja, kako bi se finansirale sve zakonske i druge obaveze. U skladu sa prethodno navedenim, napominjemo da je Federalno ministarstvo finansija u više navrata apeliralo prema resornom ministarstvu po pitanju izdvajanja finansijskih sredstava u Fond solidarnosti Federacije BiH u smislu izmjene člana 82. na način da se utvrdi procentualni iznos koji bi odgovarao realnim mogućnostima Budžeta Federacije Bosne i Hercegovine.

Takođe napominjemo, da je u skladu sa odredbama Zakona o finansijskoj konsolidaciji i restrukturiranju javnih zdravstvenih ustanova Federacije BiH („Službene novine Federacije BiH“, br. 34/22) u cilju postizanja finansijske stabilnosti zdravstvenih ustanova, bilo je porebno obezbijediti finansijska sredstva u Budžetu Federacije BiH u ukupnom iznosu od 225 miliona KM, odnosno po 75 miliona KM za tri budžetske godine. Finansijska sredstva potrebna za provođenje odredbi ovog Zakona utvrđena su u Budžetu Federacije BiH za 2022., 2023. i 2024. godinu. Dodatno opterećenje Budžeta Federacije BiH predstavlja implementacija Zakona o izmjenama i dopunama Zakona o liječenju neplodnosti biomedicinski pomognutom oplodnjom („Službene novine Federacije BiH“, br. 34/22), za čije provođenje je potrebno izdvajanje 10 miliona KM godišnje i sredstva za ovu namjenu utvrđena su u Budžetu Federacije BiH za 2024. godinu.

U skladu sa prethodno navedenim, ponovo ističemo da izdvajanja sredstava iz Budžeta Federacije BiH prema Federalnom zavodu zdravstvenog osiguranja za finansiranje Fonda solidarnosti Federacije BiH, u proteklom periodu izvršena u skladu sa realnim mogućnostima Budžeta Federacije BiH, uvažavajući značaj fonda u osiguranju najsloženijih oblika zdravstvene zaštite osiguranicima sa cijele teritorije Federacije BiH.

S poštovanjem,



Dostaviti:

- a) *Naslovu*
- b) *a/a*

Sarajevo, Ulica Mehmeda Spahe br.5
Telefon: +387 33 443 707 Fax:+387 33 203 152
e-mail: ured.ministra@mf.gov.ba
www.fmf.gov.ba